



世界書局印行

景印
摘藻堂

四庫全書薈要

集第九
部一冊
類集總





本冊目次

書名及撰人

卷次

頁次

御定全唐詩九百卷目錄二卷
清康熙四十六年聖祖仁
皇帝御定

卷五百四十五至卷六百三十
一

四三八一
一

欽定四庫全書薈要

集部

御定全唐詩卷五百四十八

五至

御定全唐詩卷五百四十五

欽定四庫全書薈要卷一萬七千九百五十

集部

劉得仁

禁署早春晴望

一本題上有奉和翰林丁侍郎七字

御林聞有早鶯聲
玉檻春香九陌晴
寒著霽雲歸紫閣
暖浮佳氣動芳城
宮池日到冰初解
輦路風吹草欲生
鴛侶此時皆賦詠
商山雪在思尤清

山中尋道人不遇

欽定四庫全書

御定全唐詩
卷五百四十五

年過弱冠風塵裏
常擬隨師學鍊形
石路特來尋道者
雲房空見有仙經
基於松底留殘局
鶴向潭邊退數翎
便欲此居閒到老
先生何日下青冥

贈敬旺助教二首

一作無可詩

到來常聽說清虛
手把玄元七字書
仙籍不知名姓有
道情惟見往來疎
已能絕粒無飢色
早晚休官買隱居
便欲去隨為弟子
片雲孤鶴可一作肯相於
街西靜觀求居處
不到權門到寺頻
禁掖人知連狀薦

詳校官原任主事
臣李斯咏

國庠官滿一家貧清儀稱是一作蓬瀛客直氣堪為諫

送祖山人歸山

獨來朝市笑浮雲却憶煙霞出帝城不說金丹能點化
空教弟子學長生壺中瀉酒看雲影洞裏逢師下鶴迎
料得仙家玉牌上已鐫白日上昇名

監試蓮花峰

太華萬餘重岩堯只此峰當秋倚寥泖入望似芙蓉翠

欽定四庫全書

御定全唐詩
卷五百四十五

二

援千尋直青危一朶穠氣分毛女秀靈有羽人蹤倒影
侵官一作關路流香激廟松塵埃終不及車馬自憧憧

京兆府試目極千里

獻賦多年客低眉恨不前一作且千此心常鬱美縱目忽超

然送驥登長路看鴻入遠天古墟煙幕幕窮野草綿綿
樹與金城接山疑桂水連何當開霽日無物翳平川

尋陳處士山堂

步溪凡幾轉始得見幽蹤路一作地隱千根樹門一作房開

萬仞峰片雲生石竇淺水臥枯松窮谷風光冷深山翠
碧濃鶴看空裏過仙向坐中逢底露秋潭水一作石聲微

暮觀鐘他年來此定異日願相容且喜今歸去人間事
更一作事慵

題從伯舍人道正里南園

帝里餘新第朱門面碧岑曙堂增爽氣喬木動清陰直
去親瑤陛朝迴在竹林風流才子調好尚古人心薛荔
遮窗暗莓苔近井深禮無青草隔詩共白衣吟軒靜留
孤鶴庭虛到遠砧掩關裁鳳詔開鏡理瓊簪種植今如
此塵埃永不侵雲奔投刺者日日待為霖

賦得聽松聲

庭際微風動高松韻自生聽時無物亂盡日覺神清強
與幽泉竝翻嫌一作疑細雨并拂空一作雲增一作鶴唳過
牖合一作入琴聲況復當秋暮偏宜在月明不知深澗底
蕭瑟有誰聽

宿普濟寺

欽定四庫全書

御定全唐詩
卷五百四十五

三一

京寺數何窮清幽

一作

此不同曲江臨閣北御苑

一作水

自牆東廣陌車音急危樓夕景通亂峰沈暝野毒暑過

秋空幡颺虛無裡星生杳靄中月光籠月殿蓮氣入蓮

宮綴草涼天露吹人古木風飲茶除假寐聞磬釋塵蒙

童子眠苔淨高僧話漏終待鳴

一作

曉鐘後萬井復瞳

朧

和鄭校書夏日遊鄭泉

太虛懸畏景古木蔽清陰爰有泉堪挹閒思日可尋來

欽定四庫全書

御定全唐詩

卷五百四十五

四

聞鳴滴滴照疎碧沈沈幾脉成溪壑何人測淺深澄時

無一物分處歷千林淨溉靈根藥涼浮玉翅禽飲疑蠲

宿疾見自失煩襟僧共雲前瀨龍和

一作聽

月下吟疊光

輕吹動徹底曉霞侵不用頻遊去令君少進心

和段校書冬夕寄題廬山

名高身未到此恨蓄多時是夕吟因話他年必去隨

一本

無此

嘗聞

一作

廬嶽頂

半入

楚江湄

幾處

懸崖上

千尋

瀑布

垂爐峰

松浙瀝瀝浦柳

一作

參差

日色

連湖

白鐘

聲拂浪遲煙梯緣薜荔嶽寺步欹危地本饒靈草林曾

出祖師石棲霞耀壁援樹鶴分枝細徑縈巖末高窗見

海涯嵌空寒更極寂寞夜尤思陰谷冰埋木仙田雪覆

芝亂泉禪客瀨

一作

異迹

逸人

知薛室

新開

竈樾

潭未

了棋如何遂閒放長得在

一作

希夷

一本止此

無

空務

漁樵事方無道路悲謝公臺尚在陶令柳潛衰塵外難

相許人間貴迹遺雖懷丹桂影不忘白雲期仁者終攜

手今朝預賦詩

欽定四庫全書

御定全唐詩

卷五百四十五

五

書事寄萬年厲員外

帝城皆劇縣令尹美居東遂拜趙張下整離星象中擁

歸從北闕送上動南宮紫禁黃山遶滄溟素滄通封疆

親日月邑里出王公賦稅充天府歌謠入聖聰土膏寒

麥覆人海畫塵蒙解宇松連翠朝街火散紅文場新桂

茂粉署舊蘭崇畱客揮盈爵抽毫詠早鴻前騶潘岳貴

故里卽平窮勸隱蓮峰久期耕樹谷同鳬飛將去葉劒

氣尚埋豐何必華陰土方垂拂拭功

上姚諫議

高文與盛德皆謂古無倫聖代生才子明庭有諫臣已
瞻龍袞近漸向鳳池新却憶波濤郡來時島嶼春名因
詩句大家似布衣貧曾暗投新軸頻聞獎滯身照吟清
夕月送藥紫霞人終計依門館何疑不化鱗

上翰林丁學士

今代如堯代微一作崇賢察衆情久聆推行寔然後佐聰
明官自文華重恩因顧問生詞人求作稱一作稱天子許

欽定四庫全書

御定全唐詩
卷五百四十五

六一

和羹御柳凋霜晚宮泉滴月清直廬寒漏近秋燭白麻
成玉殿移時對金輿數侍行賜衣香未散借馬色難名
時輩何偏羨儒流此最榮終當聞變理寰宇永昇平

二 一本將後四句
作下第吟絕句

何處訪岐路青雲但憶歸風塵數年恨一作限門館一生
依外族帝王是中朝親舊一作故稀翻令浮議者不許九
霄飛

山中舒懷寄上丁學士

五字投精鑿慙非大雅詞本求閒賜覽豈料便蒙知幽

拙欣殊幸提攜更不疑弱苗須雨長懶翼在風吹礪鋸

端楊葉光門待桂枝計聞塵裏譽因和禁中詩學士有禁中詩

早春曾
命和

鶯出谷

東風潛啓物動息意皆新此鳥從幽谷依林報早春出

寒雖未及振羽漸能頻稍類冲天鶴多隨折桂人尊前

喧一作時有語花裏畫藏身若向穠華處餘禽不見親

欽定四庫全書

御定全唐詩
卷五百四十五

七一

哭翰林丁侍郎

相知出肺腑一作深過等非舊亦非親每見雲霄侶多揚鄙

拙身即期扶泰運一作匡聖主豈料哭賢人應是隨先帝依

前作近臣一本作五律無以下八句平生任公直愛弟尚風塵宅閉

青松古一作密墳臨赤水新官清仍齒壯兒小復家貧惆

悵天難問空流淚滿巾

陳情上李景讓大夫

一被浮名誤旋遭白髮侵衰回戀明主夢寐在秋岑遇

物唯多感居常只是吟待時鉗定口經事壓低心辛苦

文場久因緣戚里深

親弟大中元年尚主

老迷新道路貧賣舊園

林晴賞行聞水宵碁坐見參龜畱閒去問僧約偶來尋

望喜潛憑鵲娛情願有琴此生如遂意誓死報知音上

德憐孤直唯公拔陸沈丘山恩忽被螻蟻力難任作鑒

明同日聽言重若金從茲更無限翹足俟為霖

和鄭先輩謝秩閒居寓書所懷

西風日夜吹萬木共離披近旬新晴後高人得意時暫

欽定四庫全書

御定全唐詩

卷五百四十五

八

閒心亦泰論道面難欺把筆還詩債將琴當酒資藍衫

懸竹桁烏帽挂松枝名占文章重官歸諫憲遲生涯貧

帝里公議到台司室冷沾苔蘚門清絕路歧莫言鄰白

屋即賀立丹墀豈慮塵埃久雲霄故有期

病中晨起即事寄場中往還

昨日離塵裏今朝懶已成豈能為久隱更欲泥浮名虛

牖晨光白幽園曉氣清戴沙尋水去披霧入林行疊葉

孤禽在初陽半樹明桑麻新雨潤蘆荻古波聲易向田

家熟元于世路生病多三徑塞吟苦四鄰驚

悲老宮人

白髮宮娃不解悲滿頭猶自插花枝曾緣玉貌君王寵

一作準擬人看似舊時

村中閒步

閒共野人臨野水新秋高樹挂清暉不知塵裏無窮事

白鳥雙飛入翠微

上巳日

欽定四庫全書

御定全唐詩

卷五百四十五

九

未敢分明賞物華十年如見夢中花遊人過盡衡門掩

獨自凭欄到日斜

省試日上崔侍郎四首

衣上年年淚

一作滴

血痕只將懷

一作幽

抱訴乾坤如今主

聖臣賢日豈致人間一物冤

如病如癡二十秋求名難得又難休回看骨肉須堪恥

一著麻衣便白頭

戚里稱儒媿小才禮聞公道此時開他人何事虛相指

明主無私不是媒

方寸終朝似火然為求白日上青天自嗟辜負平生眼
不識春光二十年

秋夜

秋氣滿堂孤燭冷清宵無寐憶山歸窗前月過三更後
細竹吟風似雨微

長門怨

爭得一人間此怨長門深夜有妍姝早知雨露翻相悞

欽定四庫全書

御定全唐詩

卷五百四十五

十

只插荆釵嫁匹夫

賈婦怨

嫁與商人頭欲白未曾一日得雙行任君逐利輕江海
莫把風濤似妾輕

寄友人

風颯沈思眼忽開塵埃污得是庸才那堪更見巢松鶴
飛入青雲不下來

晏起

日過辰時猶在夢客來應笑也求名浮生自得長高枕
不向人間與命爭

馬上別單于劉評事

時太和公主還京
評事罷舉起職

廟謀宏遠人難測公主生還帝感深天下底平須共喜
一時閒事莫驚心

贈從弟谷

此世榮枯豈足驚相逢惟要眼長青從來不愛三閭死
今日憑君莫獨醒

欽定四庫全書

御定全唐詩

卷五百四十五

十二

別山居

萬壑千巖景象開登臨未足又須回憑師莫斷松間路
秋月圓時弟子來

贈道人

長在城中無定業賣丹磨鏡兩途貧三山來往尋常事
不省曾驚市井人

對月寄同志

霜滿中庭月在林塞鴻頻過又更深支頤不語相思坐

料得君心似我心

憶鶴

白絲翎羽丹砂頂曉度秋煙出翠微來向孤松枝上立
見人吟苦却高飛

雲門寺

上方僧又起清磬出林初吟苦曉燈暗露零一作秋草
疎舊山多夢到流水送愁餘寄寺欲經歲慚無親故書

中秋宿鄧逸人居

偶與山僧宿吟詩坐到明夜涼眺月色秋渴漱泉聲磳
水如竿聳窗雲作片生白衣閒自貴不揖漢公卿

句

外家雖是帝當路且無親讀書志白日只如哭黃泉免

恨無哭賈島以下吟窗雜錄身閒甘旨下白髮太平人同遊

芳草寺見示白雲詩以下海錄碎事猶祈啟金口一為動丈

權 深山寺路千層石竹杖梭鞋便可登

御定全唐詩卷五百四十五

欽定四庫全書薈要卷一萬七千九百五十一集部

御定全唐詩卷五百四十六

權審

權審字子詢天水人累官常侍詩二首

題山院

萬葉風聲利一山秋氣寒曉霜浮碧瓦落日度朱欄

絕句

得即高歌失即休多悲多恨謾悠悠今朝有酒今朝醉

欽定四庫全書御定全唐詩卷五百四十六

明日愁來明日愁

邢羣

邢羣與杜牧同時官歙州刺史詩一首

郡中有懷寄上睦州員外杜十三兄

城枕溪流更淺斜麗譙連帶邑人家經冬野菜青青色

未臘山梅處處花雖免嶂雲生嶺上永無音信到天涯

如今歲宴從羈滯心喜彈冠事不賒

曹汾

曹汾字道謙河南人歷忠武軍節度觀察等使戶部侍郎詩一首

早發靈芝望九華寄杜員外使君

戴月早辭三秀館
遲明初識九華峰
嵯嵯玉劒寒銛利
裊裊青蓮翠葉重
奇狀却疑人畫出
嵐光如為客添濃
行春若到五溪上
此處寒帷正面逢

嚴憚

嚴憚字子重吳興人舉進士不第與杜牧游詩一首

欽定四庫全書

御定全唐詩

卷五百四十六

落花

春光冉冉歸何處
更向花前把一杯
盡日問花花不語
為誰零落為誰開

殷潛之

殷潛之自稱野人與杜牧同時詩一首

題籌筆驛

江東矜割據
鄴下奪孤嫠
霸畧非匡漢
宏圖欲佐誰
奏書辭後主
仗劒出全師
重襲褒斜路
懸開反正旗
欲將

苞有截必使舉無遺
沈慮經謀際揮毫決勝時
圜觚當分畫前箸
此操持山秀扶英氣
川流入妙思
算成功在穀運去事終虧
命屈天方厭人亡國自隨
艱難推舊姓開創極初基
總歎曾過地寧探作教資
若歸新歷數誰復顧衰危
報德兼明道長留識者知

祝元膺

祝元膺句曲人與段成式同時詩三首

送高遂赴舉

欽定四庫全書

御定全唐詩

卷五百四十六

句曲舊宅真自產
日月英既涵
嶽瀆氣安無
神仙名松桂
邈迤色與君相送情

寄道友

兩頷凝清霜
玉爐焚天香
為我延歲華
得入不死鄉

夢仙謠

蟾蜍夜作青冥燭

一作鏡

蟬蜋晴為碧落梯
好箇分明天

上一作

路誰教深

一作移

入武陵溪

句

霧紋斑似豹水力健如龍

見張為主客圖

彭蟾

彭蟾字東蟾好學不仕詩一首

賀鄧璠使君正拜袁州

六年惠愛及黎甿大府論功俟陟明尺一詔書天上降

二千石祿世間榮新添畫戟門增峻舊躡青雲路轉平

更待皇恩醒善政碧油幢到郡齋迎

王樞

欽定四庫全書

御定全唐詩

卷五百四十六

四

王樞浙西湖州郡判官詩一首

和嚴憚落花詩

花落花開人世夢衰榮閒事且持杯春風底事輕搖落

何似從來不要開

張希復

張希復字善繼常山人歷官集賢校理學士詩一首

詠宣律和尚袈裟

共覆三衣中夜寒披時不鎮尼師壇無因蓋得龍宮地

畦裏塵飛葉相殘

錢可復

錢可復起之孫累官禮部郎中鄭注鎮鳳翔朝選充副使注敗遇害詩一首

鶯出谷

玉律陽和變時禽羽翮新載飛初出谷一轉已驚人拂柳宜煙暖衝花覺露春搏風翻翰疾向日弄吭頻求友心何切遷喬幸有因華林高玉樹棲託及芳晨

欽定四庫全書

御定全唐詩

卷五百四十六

五

張鷟

張鷟開成中人詩一首

鶯出谷

弱柳一作質

隨儔匹遷鶯正及春乘風音響遠映日羽毛

新已得辭幽谷還將脫俗塵鴛鴦方可慕燕雀迴無鄰

遊止知難屈翻飛在此伸一枝如借便終冀託深仁

劉莊物

劉莊物開成中人詩一首

鶯出谷

幸因辭舊谷從此及芳晨欲語如調舌

一作求友

初飛似畏

人風調歸影便日暖吐聲頻翔集知無阻聯綿貴有因
喜遷喬木近寧厭對花新堪念微禽意關關也愛春

欽定四庫全書蒼要卷一萬七千九百五十二

集部

御定全唐詩卷五百四十七

朱景玄

朱景玄會昌時人官至太子諭德詩一卷今存十五首

題呂食新水閣兼寄南商州郎中

丹檻初結構孤高冠清川庭臨谷中樹簷落山上泉曉
色挂殘月夜聲雜繁絃青春去如永康樂歸何年

華山南望春

靈嶽多異狀巉巖出虛空閒雲戀巖壑起滅蒼翠中皓
氣澄野水神光秘瓊宮鶴巢前林雪瀑落滿澗風春盡
花未發川迴路難窮何因著山屐鹿跡尋羊公

水閣

樓居半池上澄影共相空謝守題詩處蓮開淨碧中

迎風亭

山雨留清氣溪颿送早涼時回石門步階下碧雲光

雙櫓亭

連簷對雙樹冬翠夏無塵未肯慙桃李成陰不待春

蓮亭

回塘最幽處拍水小亭開莫怪闌干溼鷓鴣夜宿來

中峯亭

中峯上翠微窗曉早霞飛幾引登山屐春風踏雪歸

飛雲亭

上結孤圓頂飛軒出泰清有時迷處所梁棟曉雲生

四望亭

高亭羣峰首四面俯晴川每見晨光曉階前萬井煙

望蓮臺

秋臺好登望菡萏發清池半似紅顏醉凌波欲暮時

茶亭

靜得塵埃外茶芳小華山此亭真寂寞世路少人間

宿新安村步

浙浙寒流漲淺沙月明空渚徧蘆花離人偶宿孤村下

永夜聞砧一兩家

遠聞本郡行春到舊山二首

一身從宦留京邑五馬遙聞到舊山已領煙霞光野徑
深慚老幼候柴關

清風借響松筠外畫隼停暉水石間定掩溪名在圖傳
共知軒蓋此登攀

和崔使君臨發不得觀積雪

貧居稍與池塘近旬日軒車不降來一樹瓊花空有待
曉風看落滿青苔

句

塞鴻先秋去邊草入夏生

見酉陽雜俎

薛宜僚

薛宜僚會昌中為左庶子詩二首

別青州妓段東美

經年郵驛許安棲一會他鄉別恨迷今日海帆飄萬里
不堪腸斷對含啼

阿母桃花方似錦王孫草色正如煙不須更向滄溟望

惆悵歡情恰一年

郭圓

郭圓會昌中為劍南節度使李固言從事檢校司門員外郎詩一首

詠韋臯

宣父從周又適秦昔賢誰少出風塵當時甚訝張延賞

不識韋臯是貴人

張延賞妻苗夫人有鑑特選韋臯為壻延賞悔之不加齒禮後臯持節西

川以代延賞延賞曰吾不識人

欽定四庫全書

御定全唐詩

卷五百四十七

四

崔鉉

崔鉉字台碩博陵人擢進士第累遷翰林學士中書舍人會昌三年拜中書侍郎同中書門下平章事與李德裕不叶罷為陝虢觀察使宣宗初以御史大夫召進尚書左僕射兼門下侍郎尋出為淮南節度使帝餞於太液亭賜詩寵之咸通初徙山南東道荆南二鎮封魏國公詩二首

進宣宗收復河湟詩

邊陲萬里注恩波宇宙羣芳洽凱歌右地名王爭解辦
遠方戎壘盡投戈煙塵永息三秋戍瑞氣遙清九折河
共遇聖明千載運更觀俗阜與時和

詠架上鷹

太平廣記云鉉為兒時隨父元畧訪韓晉公澁澁指架上鷹令詠鉉吟云

云澁曰此兒可前程萬里也

天邊心膽架頭身欲擬飛騰未有因萬里碧霄終一去
不知誰是解條人

元晦

欽定四庫全書

御定全唐詩

卷五百四十七

五一

元晦稹之從子會昌初桂管觀察使終散騎常侍詩二首

越亭二十韻

乏才叨八使徇祿非三顧南服頒詔條東林證迷誤未
聞述職効偶脫囂煩趣激水濤坳塘緣崖欹磴步西巖
煥朝旭深壑囊宿霧影氣爽衣巾涼颼輕杖屨臨高神
慮寂遠眺川原布孤帆逗汀煙翻鷗集江樹獨探洞府
靜恍若倥傯遇一瞬契真宗百年成妄故孱顏石戶啟

杳靄溪雲度松籟韻宮商鴛鴦勢翔遡津梁危杓架濟
物虛舟渡環流馳羽觴金英妬妝嫋笳吟寒壘迴鳥噪
空山暮悵望麋鹿心低迴車馬路懸冠謝陶令褫珮懷
疏傳遐想蛻纓綏徒慙卹襦袴福盈禍之倚權勝道所
惡何必棲禪關無言自冥悟

除浙東留題桂郡林亭

紫泥遠自金鑾降朱旆翻馳鏡水頭陶令風光偏畏夜
子牟衰鬢暗驚秋西鄰月色何時見南國春光豈再

欽定四庫全書

御定全唐詩

卷五百四十七

六

游莫遣豔歌催客醉不堪回首翠蛾愁

句

石靜如開鏡山高若聳蓮筍抽玉管花蔓綴金鈿

巖光

亭樓海
虞衡志

路貫

路貫與元晦同登第官桂管觀察副使詩一首

和元常侍除浙東留題

謝安致理逾三載黃霸清聲徹九重猶輟珮環歸鳳闕

且將仁政到稽峯林間立馬羅千騎池上開筵醉一鍾
共喜甘棠有新詠獨慚霜鬢又攀龍

鄭薰

鄭薰字子溥擢進士第歷宣歙觀察使懿宗初召還太
常少卿累吏部侍郎進左丞後以太子少師致仕號所
居為隱巖時松于庭號七松處士存詩一首

贈鞏疇并序

九華處士鞏疇擅玄言之要通易老其於淨名僧

欽定四庫全書

御定全唐詩

卷五百四十七

七

肇尤精達余在句溪時重其能車幣而致之及到
官舍再說易一說老氏將兒侄輩執卷列坐而傳
之老氏畢業而寇難作與鞏各散去不知其何如
存耶亡耶余既休居洛師鎖扉獨靜已卯冬十一
月半雪中有客叩柴門樵童視之走復曰鞏處士
遽下榻開關執手話艱苦鞏背簷笈草履杖靈壽
下笠且哈笑曰聞公恬養澹逸不屑于榮悴故以
玄成來助成之升榻解笈散四書即易老淨肇也